

【華嚴三昧】

（術語）佛華嚴三昧之略。以一真法界無盡緣起為理趣。達此理趣而修萬行，莊嚴佛果，謂之華嚴，一心修之謂之三昧。是華嚴大經及梵網經所說。六十華嚴經三十七曰：「普賢菩薩，正受三昧，其三昧名佛華嚴。」探玄記十七曰：「一釋名者，以因行華嚴成果相，令顯著故。二體性者，法界行門心海為體，以等持廣大無限量故。三明業用者有二：一依此顯說華嚴法，故無量壽經歎菩薩德中，言得佛華嚴三昧宣說諸佛經典。二依此顯示華嚴行，故上云：施戒忍辱精進禪，方便智慧諸功德，一切自在難思議，華嚴三昧勢力故。」

【因陀羅網】

（譬喻）是梵漢雙舉之名。單用漢語，則云帝網。即帝釋天之寶網。其網之線，珠玉交絡，以譬物之交絡涉入重重無盡者。

【因陀羅】

（天名）本為雷雨之神。佛教當時之最高神，與梵天並稱。譯為天主者，由釋提桓因也。又作因坻，因提，因提梨，因達羅等。譯曰天主帝。即帝釋天。見玄應音義三。

又（神名）藥師十二神將之一。見藥師七佛本願經念誦儀軌供養法。